

# ....Noti Flash Febiko....

.....Pa bo ta na altura di kiko ta pasa den e mundu di biyar.....

## E promé palabra:

NFF ta deseá tur nos hóbennan tur klase di éksito ku nan preparashonnan pa e delaster semèster di skol i ta spera tur pone e dianan aki skol promé ku tur kos. Hasi bosnan bèst, enseñansa ta un di e pila nan di mas grandi den hende su bida.

- ***Delegashon di Antia Hulandes ku un tremendo prestashon den Pan Amerikano Bola 9 na Aruba.***

**Dianan 26 te ku 30 di mei Pool Plaza na Aruba tabata esenario di e evento mas grandi den nos region pa e deporte di biyar: Pan Amerikano bola 9 maskulino i femenino.**

Federashon Biyar Kòrsou ta sumamente kontentu i orguyoso ku e prestashon di nos deportistanan di Kòrsou den e delegashon di Antia Hulandes.

David Prins i Bryan Landskind dos hóbennan ku un hopi bon prestashon ta kaba empatá na di 13 lugá. E mihó representashon pa Antia den maskulino tabata Johnny Hellmund ku simplemente tabata tin un gran kampionato i a keda na di 9 lugá.

Den femenino Lucia Wever kampiona femenino di Kòrsou tambe tabata tin un magnífico prestashon kedando na di 4 lugá. Lucia a demostrá ku tin ku tene kuenta ku n'e pa e Pan Amerikanonan benidero, Lucia a pèrdè kontra di Mirjana Crujicic di Venezuela ku skor di 7-5 ku despues a bin gana e Pan Amerikano bola 9 femenino ganando di Adriana Villar di Costa Rica 9-1 den final. Den maskulino Alan Rolon di Puerto Rico ta prolongá su titulo ganando Enrique Rojas di Chile 11-8.



E delegashon di Antia Hulandes den banda Johnny i Lucia den akshon. Pabien !!

- ***Michael Arvelo ta gana Challenge 9-ball Tour#2***

**Dianan 6 te ku 15 di Mei Challenge Pool & Dart Lounge tabata esenario di e evento pa aña 2005 pa loke ta trata bola 9: Challenge 9-ball tour.**

Mas i mas e Challenge 9-ball tour ta kresiendo na popularidat esei por mir'e na e kresementu ku kada edishon ta trese ku n'e. Si den e promé tour ta tin un kantidat di 44 biyardista den e di 2 stòp a inskribí un kantidat di 59 biyardista. Den e edishon aki Michael Arvelo ta para e racha di David Prins ganando e wegá i e di dos stòp di e tour ku skor di 11 pa 5. Check nos rúbrika "Eventonan na kaminda" pa fecha di e di tres stòp.



Michael Arvelo firmando su nòmber riba e banner di Challenge 9-ball tour komo e ganador di e di dos stòp...PABIEN!!

.....WAK PATRAS E NOTI FLASH FEBIKO TA SIGI.....



P.O. Box 6282  
Tel. 7671132  
Tel. 5179935  
Email: [info@febiko.com](mailto:info@febiko.com)  
[www.febiko.com](http://www.febiko.com)

### Edishon #3

#### Kolofon:

Noti Flash Febiko ta un boletin informativo di direktiva di FEBIKO.

Pa eventual pregunta òf komentario email nos na [info@febiko.com](mailto:info@febiko.com)

#### Presidente

Nathaniel Zoetrum

#### Vice Presidente

Robert Sillé

#### Sekretario

Norvin van Gorp

#### Tesorero

David Prins

#### Public Relations / Sports Director

Michael Arvelo

#### Segundo Tesorero

Andy Senior

#### Komisario / Segundo Sekretario

Marlon Pietersz

Curaçaoose Biljart Bond  
Funda 1955

#### Affiliations:

Curaçaoose Sport Federatie (CSF)  
Nederlands Antilliaanse Biljart Federatie (NABIFE)  
Confederacion Panamericana de Billar (CPB)  
Union Mundiale de Billar (UMB)  
World Pool Billiard Association (WPA)  
World Confederation of Billiard Sports (WCBS)

#### Pool Pic of the Month



Delegashon di Antia Hulandes na e apertura di Pan Amerikano Bola 9 den Pool Plaza na Aruba.

#### Tip / Tric of the month

Pa bo pasa riba e tenshon di tira e bola 9 den "9-Ball" òf bola 8 den "8-Ball" train ku 1 bola riba mesa huntu ku sea e 9-ball òf e 8-ball. Asina aki bo ta kustumbra ku e tenshon di e dos bolanan aki.

#### Banner/ Poster of the Month



#### Eventonan na kaminda.....

##### Lokal

Kampionato bola 8 individual di Kòrsou 2005  
4 – 12 Yüni.  
Breakpoint Granbeeuw

Kampionato bola 9 hubenil di Kòrsou.  
2 i 3 Yüli

Challenge 9ball Tour#3  
8,9,10,15,16 i 17 di Yüli  
Challenge Pool & Dart Lounge

Kampionato bola 8 pa ekipo  
Tur Djamars, Djaweps, Djasabra i Djadumingu.  
Establesimentunan di biyar

##### Internashonal

World 9-Ball Championship Men  
9-17 Yüni  
Taipei, Taiwan

## • **Kòrsou ta "sweep" den e promé Dutch Caribbean Junior 9-ball Championship**

**Dianan 29, 30 di April i 1 di Mei Tracks na Zeelandia i Breakpoint na Granbeeuw tabata esenario di e promé Dutch Caribbean Junior 9-ball Championship.**

Di Aruba a partisipá 8 hungadó, Bonaire 10 i Kòrsou ku 14.

Despues di 2 dia di enkuentronan realmente eksitante e kampionato ta kulminá djadumingu atardi ku e gran final, entre Julian Rijna i Fauzy Halabi ámbos di Kòrsou. Realmente un bon final kaminda weganan tabata bai pèrta pèrta, na e skor empatá na 6 Rijna ta usa su habilidat i eksperensia i kue 3 wega sigui pa asina ku e skor final 9-6 bai ku e titulo kampion di e "Dutch Caribbean Junior 9-Ball Championship".

Na di dos lugá a keda pues Fauzy Halabi (Kòrsou), na di tres lugá Anthony Wever (Kòrsou) i na di 4 lugá Ingemar Bernabela (Kòrsou).



Anthony Wever (3), Julian Rijna (1) i Fauzy Halabi (2)

## • **Lucia Wever Kampion bola 9 femenino 2005.**

**E aña aki Febiko ta move tantu den maskulino senior, hubenil i tambe femenino.**

Den Maishi Snack i Breakpoint e weganan a kulminá djaluna 2 di mei último.

Den un final elekrisante ku a keda ku skor di 7 pa 6, Lucia Wever ta titulá kampion femenino di Kòrsou bola 9 lagando Jennifer Harkelijn na di dos lugá.

Meredith Trinidad a keda na di 3 lugá i Signella de Camps na di 4.

Un nota importante pa nos di Federashon Biyar Kòrsou ta ku Lucia Wever aktualmente ta number 6 riba ranking Pan Amerikano bola 9. Ku e bon prestashon di Lucia na Aruba ta sigur ku Lucia a subi mas ainda riba e ranking.



Meredith, Lucia i Jennifer ku nan trofeonan.

## • **... i por último ....bo ta sa ku.....**

- Febiko ta bai organisá otro evento grandi Internashonal den luna di Sèptèmber esta Gran Prix Pan Amerikano bola 9 keda pendiente pa mas informashon
- Julian Rijna i Fauzy Halabi ta na kaminda pa bai Pan Amerikano bola 9 Hubenil na Rosario, Argentina fin di Yüli....GREAT!!

OK esaki tabata atrobe tur kos pa e edishon aki si bo tin kualke informashon òf sugerensia pa nos manda nos un email na [info@febiko.com](mailto:info@febiko.com) òf laga e informashon aki pa kualke miembro di direktiva.

**Kòrda bishita nos website pa mas informashon i potrèt [www.febiko.com](http://www.febiko.com)**